


Cant. 1.



Salve mi-ra cre-a-tú-ra, O Ma-rí-a, virgo pu-ra, Stu-
 pet in te jam na-tú-ra Ami-sísse su-a ju-ra, Pa-rens divæ
 Pro-lis. R̄. O clemens, O pi-a, O dulcis Virgo Ma-rí-a.

2. Cum creáris, absque mora
 Tota sancta et decóra;
 Non est in te nubis hora,
 Tota corúscans auróra
 Justitiæ solis.
 R̄. O clemens.

3. Salve cæli plena rore,
 Gaudens et Matris honóre
 Et Virginitátis flore,
 Cum in lílii candóre
 Génitrix es facta.
 R̄. O clemens.

4. Fons exúndans gaudiórum,
 Paris Regem Angelórum
 In salútem populórum,
 Captivórum et reórum,
 O mater intácta!
 R̄. O clemens.

5. Eva, dum credit serpénti
 Mortem tulit toti genti;
 Sed tu, Angelo loquénti
 Fidens, mísera jacénti
 Effugásti luctum.
 R̄. O clemens.

6. Tu es tellus non labóre
 Fecundáta vel sudóre,
 Sed cælésti tantum rore;
 Agri pleni cum odóre
 Germinásti fructum.
 R̄. O clemens.

7. Tu excéllis, Virgo digna,
 Sicut cedrus inter ligna;
 Te præmonstrant multa signa
 Genitúram, o benigna,
 Mundi Salvatórem.
 R̄. O clemens.

8. Virga te signat frondósa
 Aaron prodigiósa,
 Quæ dat valde speciósa,
 Miro dono pretiósa,
 Fructuósum florem.
 R̄. O clemens.

9. O Virgínitas beáta,
 Mosis rubo figuráta,
 Cujus Prophétæ monstráta
 Flamma, vi sua priváta,
 Ardens non urébat.
 R̄. O clemens.

10. Virgo mater Deo grata,
 Imbre cæli inundáta,
 Gedeónis te lanáta
 De supérnis irroráta
 Vellus prædicébat.
 R̄. O clemens.

11. Salve, cælum tangens scala,
 A mundo repélle mala
 Quæ dedérunt Adæ mala:
 Ut plebs fac tua sub ala
 Sit Christo fidélis.
 R̄. O clemens.

12. Fac pro tua pietáte
 Ut stantes in veritáte,
 Virtútis integritáte,
 Fruámur societáte
 Sanctórum in cælis.
 R̄. O clemens.